

SAN MARTIN Y LUNGIARÜ

Incö domënia, 15/02, presentaziun dales 16.00 a Badia tla Ciasa Runcher dl liber **"Inrescida söl ladin te dljia"** de Susan Rubatscher. Düc é dër bel invia.

Le KVV dla Val Badia mèt a jì por i scrié ite al **KVV n iade de peregrinaje** de cater dis tla pert süd dla Toscana dai 20 ai 23 d'auri. *Ciarede ultima plata.*

Le Sorvise ai Jogn chir jogn y jones sciöche **animadus/esses pro l'ISTÉ DEBORIADA.** *Ciarede ultima plata.*

Peregrinaji a Medjugorje dai 22 ai 27 de auri (6 dis) y dai 21 ai 25 de mà (5 dis). Le contribut de partezipaziun al peregrinaje d'auri é de 310 € (110 € da paié ite atira). Le contribut de partezipaziun al peregrinaje de mà é de 280 € (110 € da paié ite atira). Konrad Sottara - 0471 843 077 o 335 17 32 706.

KVV:En chësc ann ne vëgnel nia plü fat dal KVV les **detlaraziuns dl davagn** Mod. 730/15 tl ofize a Piculin, mo vignun che mëss fà la detlaraziun, mess jì instës tl'ofize dl KVV a Bornech, strada Dante 2, y perié do n apuntamënt por telefonn 0474 413 707. Por informaziuns plü avisa é Marlene Ferdigg vigni dedemesaledema dales 9.00 ales 10.30 tl ofize a Piculin a osta desposiziun.

La **proscima oraziun de Taizè** sö Oies en vëndres, ai 20 de forà dales 20.00.

La **prozesciun de Jeunn** pël che sides ai 10-13 de jügn 2015.

An po tra jö l'import dales cutes, sce an fej ofertes de bona man por istitué desvalis. Danter chisc racomani dër: Mariengarten, Istituto Marcelline, Maria Huber Gymnasium, Vinzentinum, Herz-Jesu-Institut, Ursulinen, PTH/STA, Franziskanergymnasium y Rainerum. Chilò ne se tràtera nia dla destinaziun dl 0,05% , mo de ofertes éina a 2.000 euro ch'an ti deloj a chëstes Ciasas de formaziun de stamp religios. Ares à veramënter debojëgn de nosc sostentamënt.
siur Iaco Ploner

SAN MARTIN

Le consëi d'aministraziun dla cöra präia dër bel do osta **offerta por scialdè la dljia y la colonia** che po gnì metüda tl cëst dl'offerta incö dala mëssa prefestia o dala gran mëssa.

LUNGIARÜ

Düc i **Seniors da Lungiarü é dër bel invia** incö, domënia grassa, do mëssa ia tl salf dl paisc a na festa da carlascè. I sëis düc dër bëgn odüs.

L'Assoziaziun Turistica inviëia mituns y families en lönesc, ai 16 de forà, a **Lungiarü a na desfilada da carlascè.** I s'incuntun dales 14.00 tla palestra olache i mituns gnarà depënc dales animadësses dla schira jonila. Dales 15.00 piarà ia la desfilada che condüj sön Frëina. Dailò jaran tla Ciasa Elke a se bëre n tè y dedò junse indò te paisc olach'al se aspetarà tla Pizzeria Fornata val' de duc y tröpa musiga da balè. Düc è bel invia da to pert!

- - - - -

La jonëza da paura da San Martin inviëia paurs jogn y manco jogn a na sèra de informaziun sura **"Die Herausforderung von morgen"** für die (Jung)landwirte" en jöbia, ai 19 de forà tl salf dl Istitut Ladin a San Martin dales 20.00.

Uniun di Paurs y dles Patrunes: Al foss bel sce paurs y patrunes ess interès da se **cumprè la troht.** Adöm ciafässun n miù prisc: 348 74 91 536 o 0474 590 026.

15.2. - 22.2.2015 - nr. 12

Plata dla Cöra

termo por publiché: jöbia dales 20.00 **de San Martin y Lungiarü**

6^a Domënia ia por l'ann B

Merch 1,40-45

Te chël tēmp èl gnü n levrus da Gejù y perià do aiüt;
al s'è inslenè jö dan da d'èl y à dit: Sce tō òs, este bun da fà ch'i vëgnes nèt.
Gejù à compasciun impara; al à tignì fora la man, l'è aziché y à dit:
I ò che te varësces!

Te chël momēt s'un é la levra sparida, y l'èl è nèt.

Gejù l'è ortié demez y ti à racomanè:

Mèt averda! No stè a ti al cuntè a zacai, mo va y móstrete al prou
y porta dant le sacrificze de purificaziun che Mosè à scrit dant.

L'èl s'un é jü y cuntà te vigni gaujiun éi che è sozedü;
al cuntà intoron dōta la storia

*Al è gnü n levrus da Gejù, scrì le vangelist Merch,
bel y cört, sciöch'al foss val' de normal.*

*Mo éi impresciun ch'al ti fajò inlaôta ala jënt da odëi
n levrus ne s'imaginunse gnanca, y tan de pôra y tan
de sgric che chisc amarà descedà tla jënt. Degügn n'orò
avëi da fà val' impara, y i sagns s'un stò dalunc.
La gran pert de chisc desfortunà n'è nia plü la poscibilitè
de gnì tué sö danter la jënt.*

Y propi n tal devënta le pröm miscionar de Gejù!

*Gejù ti va a chësc püre tan daimprò ch'al devënta nèt: sann y indò n chestian.
Le levrus, che è te n iade varì, n'è nia bun da scutè. Al incündà le salvadù indlunch
olache la jënt aspetà a na te' noëla. Vigni chestian à na misciun - dij le Papa.
Anfat tan da nia, tan da defec y tan tralascià ch'i se sintiun. Idì nes ô bun y nes
vëgn dër daimprò. Y chësta storia dëssun cuntè inant, deach'al n'è tan tröc che
l'aspetà.*

Éi é pa eserzizi por la vita da vigni dé (Exerzitien im Alltag)?

Cun l'aiüt de n/a condejadü/ëssa se dàn jö cun la fede personala, cun Chël Bel Dî y la Sacra Scritöra te n cèrtl de porsones che s'incunta n iade al'edema por n'ora o dōes dantadöt ti tēmps de preparaziun ales gran festes de Pasca, Pasca de Mà o de Nadè. Chisc eserzizi dess dantadöt renforzè nosta spiritualité, jon ite te nosc daite olache Chël Bel Dî à sentè ite súa somënza y olach'i podun l'aldì, l'ascutè y se dauri a d'èl. La spiritualité nes dèida insciò da ciafè le dër raport cun les porsones y cun les cosses dla vita da vigni dé incër nos ia.

Tl'incuntada n iade al'edema vëgnel ciarè indò coch'ara ti é jüda ai partezipanc l'edema passada y dè impuls por l'edema che vëgn. I partezipanc é invià da ti dediché vigni dé, almanco n cherdora ala oraziun y ala contemplaziun dla Sacra Scritöra y, ala fin de vigni dé, de fà na reflësciun söl dé passè.

Ploan: siur Iaco Ploner ploner.jakob@aruba.it
tel.: 333 48 32 765 / 0474 453 003

Redaziun: T. Gasser anton.gasser@rolmail.net
tel.: 348 27 44 517 / 0474 523 194



	SAN MARTIN		LUNGIARÜ
15.2.15 6^a Domënia ia por l'ann B	9.00 Corona 9.30 Gran Mëssa dla comunité aniv. siur Angel Morlang <i>Oferta por scialdè la dlijia y la calonia</i>	15.2.15 Domënia	7.55 Corona 8.15 Gran Mëssa dla comunité 11.00 Bato de Lena Sorà, Frëina Bato de Alia Pezzei
16.2.15 Lönesc <i>Iuliana, Filipa</i>		16.2.15 Lönesc	19.30 Exerzitien im Alltag/Cërtrl dla Bibla cun siur Iaco Ploner te calonia
17.2.15 Dedolönesc (<i>Carlascè</i>) <i>7 Fondadus di Serviç</i>	19.30 Mëssa fam. Hermann Costabiei + Veneranda Graffonara + Robert Chiesa	17.1.15 Mertesc	
18.2.15 Dedemesaledema Capiun <i>Scimun, Costanzia</i>	9.30 Mëssa tla Ciasa Palsa cun imposiz. dl cënder 18.30 Mëssa cun imposiziun dl cënder + Egon Valentin + + Milio y Tile Castlunger	18.2.15 Mercui	20.00 Mëssa cun imposiziun dl cënder fam. Siegfried Moling + + Hermann y Emma Pezzei + Anna Chiusura
19.2.15 Jöbia <i>Bonifaz, Irmgard</i>	7.30 Mëssa + Linda Mühlmann + Maria Johanna Zingerle Rampazzo vis y + + Ferdigg, Preroman Corona por vocaziuns	19.2.15 Jöbia	7.30 Zelebrazium dla Parora de Dî
20.2.15 Vëndres <i>Amata, Iordan</i>	19.00 Adoraziun eucaristica 19.30 Zelebrazium dla Parora de Dî	20.2.15 Vëndres	7.30 Mëssa + Scebio Nagler + + Franz Flatscher y siur Heinrich Videsott + Zilia Mischi
21.2.15 Sabeda <i>San Germano, Pire Damiani</i>	15.30 Mëssa tla Ciasa de Palsa 18.30 Mëssa prefestia + Doro Verginer + Pepi Deiacò, Larjëi + Stina Conrater	21.2.15 Sabeda	20.00 Mëssa prefestia fam. Albert Mischi, Majuns aniv. Florino Mischi + Luigia Frena
22.2.15 1^a Domënia de Carsëma B	9.00 Corona 9.30 Gran Mëssa dla comunité	22.2.15 Domënia	7.55 Corona 8.15 Gran Mëssa dla comunité